



**KENYATAAN MEDIA  
KEMENTERIAN SUMBER MANUSIA**

**PROGRAM ONE SCHOOL ONE COUNTRY (OSOC) BERSEMPENA  
WORLDSKILLS COMPETITION (WSC) ABU DHABI 2017**

**Abu Dhabi, 13 Oktober** –Bersempena dengan WorldSkills Competition (WSC) 2017 satu program yang dinamakan *One School One Country* (OSOC) telah diadakan pada 12 Oktober 2017 dan disertai oleh 21 orang peserta Malaysia yang mewakili negara.

OSOC merupakan program kerjasama di antara sekolah di sekitar Abu Dhabi bersempena dengan WorldSkills Competition (WSC) 2017. Program ini membawa elemen mendekatkan pelajar sekolah ke dunia pembelajaran bidang kemahiran. Setiap pelajar didedahkan kepada bidang Latihan Pendidikan Teknikal dan Vokasional (TVET).

Program ini memberikan pengalaman dan peluang kepada pelajar yang berusia diantara 8 hingga 10 tahun untuk mempelajari serta mengenali budaya dan keunikan pembelajaran setiap negara yang terlibat dengan WorldSkills Competition (WSC) 2017. Program ini melibatkan 58 buah sekolah di sekitar Abu Dhabi

Kementerian Sumber Manusia bersama dengan Kementerian Kerja Raya telah membawa 21 orang peserta yang mewakili 20 bidang bagi mewakili negara ke *WorldSkills Competiton* (WSC) 2017 pada 9 Oktober 2017 lalu. Pertandingan ini akan diadakan bertempat di Abu Dhabi National Exhibitions Company (ADNEC) Competition Hall bermula 15 Oktober hingga 18 Oktober 2017 ini. Majlis pembukaan pertandingan pula akan diadakan pada 14 Oktober 2017.

**Dikeluarkan oleh:  
Unit Komunikasi Korporat  
Kementerian Sumber Manusia  
13 Oktober 2017**